

Mancu in su sonnu lidere tia cherrer
 sa gherra, iscoppiada atera ia,
 fragassare onzi cosa, occhire, ferrer
 bezzos, piseddos chena pore o ghia.
 In tremen de unu sinnu, ispaventosu
 mostre destruit onzi vida e gosu.
 Avvelenat s'aera, s'inchidore
 no si nde podet pro nudda godere,
 siccas sas plantas, trassiccu su fiore
 chena isattu mai de rebuddire,
 montes e baddes nudos, calchi pedra
 restada rizza cun lanedda o edra.
 S'ae, sa fera, finzas su boboi
 suggestos sunt a sa mantessi solte,
 domos derruttas, regnu de sa molte
 cunselvant solu colza de coccoi.
 Sa terra reduida a colcorigia
 girat su sole chena una frommigia.
 Ma no est solu meu su desizu
 d'evitare sa gherra: biancos, nieddos
 hana postu giudisciu, babbu e fizu
 abba no giughent pius in sos chelveddos:
 in sa pinnetta in s'isba, in grattacielu
 onzunu, a contu sou, godat su chelu
 Si si rispettat tribagliu e pessone
 ite impoltnzia hat s'in oriente
 sonniant totu divesciu de occidente
 ei sos benes ponent in cumone,
 in domo issoro fattende sa proa
 si propriu menzus sunt o hant sa coa?
 Sa paghe est troppu bella e troppu manna
 su perigulu est de l'isconzare,
 e cando a totu resultat in dannu
 est maccu chie cherede gherrare.
 Pro chi m'intendant da unu nuraghe
 isto isclamende "Paghe, paghe, paghe"

homine cegu, homine multu

Saldu de prima e de como

Dae tempos e temporios su Saldu
fit che teracu malu e avvildu
pro sas tempestas de frittu e de caldu
o rebelle a sa legge e foressidu.

Ma como liber'est e bene a taldu
mancari enit, no cheret frundidu,
e no li mancat nè fae nè laldu,
o su piattu de pane salidu,

nè rattat pius sa terra eun s'aradu
de linna, nè messende sa provvista
ruede moltu cun sa falche in manu,

e dae cando s'est meccanizadu,
no istat pius a su pista pista
in s'alzola, cun trazu ei s'oe ispanu.

O Saldigna Saldigna...

O Saldigna, Saldigna, finalmente
podes mirare, bènnidu s'èxanu,
s'ispiga piena, maduru su ranu
si mai ti nd'ha giogadu sutt'e dente,

cun ogiu allegru e coloridu sanu,
binchidu su frazellu pius potente
de sa malaria, torràda sa zente
de puntu'e molte a cara 'e cristianu.

Umbras ischeletridas in garrera
no s'ident pius andende iscoscia iscoscia
como, posca mi ruo innoghe, incue.

Agianeddas agianos, pramma era,
passant cantende " Finida' est s'istròscia
de sa titula in pàntamos, e nue".

homine legu, homine multu